

SOALAN LAZIM
PEKELILING PERKHIDMATAN BILANGAN 3 TAHUN 2020
BANTUAN KHAS AIDILFITRI TAHUN 2020

A. PENJAWAT AWAM

BIL.	SOALAN	KELAYAKAN
Pelaksanaan		
1.	Bagaimanakah Bantuan Khas Aidilfitri Tahun 2020 dilaksanakan?	<p>Bantuan Khas Aidilfitri Tahun 2020 dibayar kepada pegawai Perkhidmatan Awam Persekutuan Gred 56¹ dan ke bawah dengan syarat bahawa pegawai masih berkhidmat pada 20 Mei 2020.</p> <p>Bantuan Khas Aidilfitri Tahun 2020 ini turut dipanjangkan kepada pesara Kerajaan yang menerima pencen dan penerima pencen terbitan.</p> <p>Pemberian Bantuan Khas Aidilfitri Tahun 2020 turut dipanjangkan kepada Pekerja Sambilan Harian (PSH) yang masih berkhidmat pada 20 Mei 2020 dengan syarat tempoh kontraknya telah berkuat kuasa sekurang-kurangnya 30 hari berturut-turut.</p>
Pegawai Bercuti Separuh gaji/ Tanpa Gaji		
2.	Adakah pegawai yang bercuti separuh gaji/tanpa gaji sepanjang tempoh 1 Januari 2020 hingga 20 Mei 2020 layak menerima Bantuan Khas Aidilfitri Tahun 2020?	Layak.
Pegawai Peminjaman		
3.	Adakah pegawai yang dipinjamkan ke Gred Utama/Khas layak menerima Bantuan Khas Aidilfitri Tahun 2020?	Tidak layak. Pegawai tidak layak Bantuan Khas Aidilfitri Tahun 2020 kerana pegawai telah menikmati elaun dan kemudahan atas Gred Jawatan Utama/Khas sama seperti pegawai memangku.

¹ Pegawai di Gred 56 atau setara. Tidak termasuk pegawai yang sedang memangku, dipinjam/ tukar sementara dan penempatan khas di Gred Jawatan Utama/Khas.

BIL.	SOALAN	KELAYAKAN
Pegawai <i>Contract of Service</i>		
4.	Adakah seorang pegawai <i>Contract of Service</i> layak diberi Bantuan Khas Aidilfitri Tahun 2020 sekiranya beliau berkhidmat mulai 10 Mei 2019 hingga 10 Mei 2020 dan tidak lagi berkhidmat selepas tarikh tamat kontrak tersebut?	Tidak layak. Pegawai tidak lagi berada dalam perkhidmatan pada 20 Mei 2020 (tarikh pembayaran).
5.	Adakah seorang pegawai <i>Contract of Service</i> yang dilantik pada 1 April 2020 hingga 31 Mac 2021 layak diberi Bantuan Khas Aidilfitri Tahun 2020?	Layak. Pegawai layak pemberian Bantuan Khas Aidilfitri Tahun 2020 dengan syarat masih berada dalam perkhidmatan pada 20 Mei 2020 (tarikh pembayaran).
Pekerja Sambilan Harian (PSH)		
6.	Adakah seorang Pekerja Sambilan Harian (PSH) yang kontraknya 1 Mac 2020 hingga 30 Mei 2020 layak diberi Bantuan Khas Aidilfitri Tahun 2020?	Layak. Pemberian Bantuan Khas Aidilfitri Tahun 2020 ini juga dipanjangkan kepada PSH tertakluk kepada syarat tempoh kontraknya yang sedang berkuat kuasa adalah sekurang-kurangnya 30 hari berturut-turut termasuk Hari Rehat Mingguan, Hari Kelepasan Mingguan dan Hari Kelepasan Am serta masih berkhidmat pada 20 Mei 2020 (tarikh pembayaran). Tempoh Bekerja Dari Rumah semasa Perintah Kawalan Pergerakan berdasarkan Surat Edaran JPA.SARAAN(S)256/6/31 JLD.6(2) boleh diambil kira dalam pengiraan 30 hari berturut-turut.
7.	Adakah PSH yang telah berkhidmat pada 1 Januari 2020 hingga 31 Mac 2020 layak diberi Bantuan Khas Aidilfitri Tahun 2020?	Tidak layak. Pegawai tidak layak diberi Bantuan Khas Aidilfitri Tahun 2020 kerana tidak lagi berada dalam perkhidmatan pada 20 Mei 2020.

BIL.	SOALAN	KELAYAKAN
8.	Adakah PSH yang telah dilantik pada 1 November 2019 dan tamat tempoh perkhidmatan selama 3 bulan pada 31 Januari 2020, kemudiannya dilantik semula pada 1 April 2020 untuk tempoh 3 bulan lagi layak diberi Bantuan Khas Aidilfitri Tahun 2020?	<p>Layak. Kontrak pegawai yang sedang berkuat kuasa (bermula 1 April 2020) memenuhi syarat sekurang-kurangnya 30 hari berturut-turut seperti yang ditetapkan oleh perenggan 7, Pekeliling Perkhidmatan Bilangan 3 Tahun 2020 dengan syarat pegawai masih berada dalam perkhidmatan pada 20 Mei 2020.</p> <p>Tempoh Bekerja Dari Rumah semasa Perintah Kawalan Pergerakan berdasarkan Surat Edaran JPA.SARAAN(S)256/6/31 JLD.6(2) boleh diambil kira dalam pengiraan 30 hari berturut-turut.</p>
9.	Adakah PSH yang telah dilantik pada 17 Februari 2020 dan tamat tempoh perkhidmatan selama 3 bulan pada 17 Mei 2020, kemudiannya dilantik semula pada 18 Mei 2020 untuk tempoh 3 bulan lagi layak diberi Bantuan Khas Aidilfitri Tahun 2020?	<p>Layak. Tempoh perkhidmatan kontrak terdahulu boleh diambil kira bagi melengkapkan pengiraan 30 hari berturut-turut kerana tidak ada jurang (gap) di antara kontrak terdahulu dengan kontrak baharu.</p> <p>Ketua Jabatan boleh mempertimbangkan kontrak yang tempoh jurang (gap) atas sebab Hari Rehat Mingguan dan Hari Kelepasan Am bagi melengkapkan pengiraan 30 hari berturut-turut.</p>
10.	Seorang PSH telah dilantik pada 4 Februari 2020 dan tamat tempoh perkhidmatan selama 3 bulan pada 4 Mei 2020. Beliau kemudiannya dilantik semula pada 6 Mei 2020 untuk tempoh 3 bulan. Terdapat 1 hari jurang (gap) antara kontrak lama dan kontrak baharu kerana urusan pentadbiran jabatan bagi pelantikan semula PSH tersebut. Adakah PSH tersebut layak diberi Bantuan Khas Aidilfitri Tahun 2020?	<p>Layak. Tempoh perkhidmatan kontrak terdahulu boleh diambil kira bagi melengkapkan pengiraan 30 hari berturut-turut kerana jurang (gap) tersebut adalah munasabah iaitu untuk urusan pentadbiran pelantikan semula PSH tersebut di agensi yang sama.</p> <p>Ketua Jabatan boleh mempertimbangkan tempoh jurang (gap) yang munasabah bagi urusan pentadbiran pelantikan semula PSH terhadap kepada 1 atau 2 hari bekerja sahaja. Kontrak yang mempunyai tempoh jurang yang melebihi 2 hari tidak boleh diambil kira</p>

BIL.	SOALAN	KELAYAKAN
		bagi melengkapkan pengiraan 30 hari berturut-turut.
11.	Adakah PSH yang telah dilantik pada 10 Februari 2020 dan tamat tempoh perkhidmatan selama 3 bulan pada 10 Mei 2020, kemudiannya dilantik semula pada 14 Mei 2020 untuk tempoh 3 bulan lagi layak diberi Bantuan Khas Aidilfitri Tahun 2020?	<p>Tidak layak. Pegawai tidak layak Bantuan Khas Aidilfitri Tahun 2020 kerana kontraknya yang sedang berkuat kuasa (kontrak mulai 14 Mei 2020) tidak memenuhi tempoh 30 hari berturut-turut seperti yang ditetapkan oleh perenggan 7, Pekeliling Perkhidmatan Bilangan 3 Tahun 2020.</p> <p>Tempoh kontraknya yang terdahulu tidak boleh diambil bagi pengiraan 30 hari berturut-turut kerana jurang (gap) kontrak lama dan kontrak baharu melebihi tempoh munasabah yang ditetapkan (2 hari tempoh munasabah urusan pentadbiran pelantikan semula PSH).</p>
Pelantikan Dalam Perkhidmatan		
12.	Adakah pegawai Perkhidmatan Awam Persekutuan yang dilantik ke skim perkhidmatan lain dalam Perkhidmatan Awam Persekutuan layak diberi Bantuan Khas Aidilfitri Tahun 2020?	Layak. Walaupun melibatkan dua (2) skim perkhidmatan yang berbeza, pegawai layak diberi Bantuan Khas Aidilfitri Tahun 2020 dan akan dibayar oleh jabatan di mana pegawai itu berkhidmat pada tarikh pembayaran.
Hukuman Tatatertib		
13.	Adakah pegawai yang dijatuhkan hukuman amaran pada 8 Mac 2020 oleh Pihak Berkuasa Tatatertib Kementerian/ Jabatan layak diberi Bantuan Khas Aidilfitri Tahun 2020?	Tidak layak. Pegawai tidak layak diberi Bantuan Khas Aidilfitri Tahun 2020 kerana hukuman amaran adalah turut merupakan salah satu daripada jenis hukuman tatatertib mengikut Perkara 38, P.U.(A) 395 Peraturan-Peraturan Pegawai Awam (Kelakuan dan Tatatertib) 1993.
14.	Adakah pegawai yang telah dijatuhkan hukuman tatatertib pada November 2019 dan pelaksanaan hukumannya berlanjutan melangkaui tempoh 1 Januari 2020 layak diberi Bantuan Khas Aidilfitri Tahun 2020?	Layak. Pegawai layak diberi Bantuan Khas Aidilfitri Tahun 2020 kerana hukuman tatatertib berkenaan telah dijatuhkan pada tahun 2019 dan bukannya tahun 2020 walaupun pelaksanaannya melangkaui ke tahun 2020.

BIL.	SOALAN	KELAYAKAN
Meninggal Dunia Dalam Perkhidmatan		
15.	Adakah pegawai yang meninggal dunia pada 20 Mei 2020 layak menerima Bantuan Khas Aidilfitri Tahun 2020?	Layak. Pegawai layak menerima Bantuan Khas Aidilfitri Tahun 2020 sebanyak RM500 dan akan dibayar oleh jabatan terakhir pegawai berkhidmat.
Pengkorporatan/ Penswastaan dan Pengasingan		
16.	Adakah pegawai yang dipinjamkan ke agensi yang diasingkan pengurusan saraannya atau badan antarabangsa atau syarikat swasta sepanjang tempoh 1 Januari 2020 hingga 20 Mei 2020 layak menerima Bantuan Khas Aidilfitri Tahun 2020?	Layak dan akan dibayar oleh agensi yang menerima peminjaman pegawai (agensi peminjam).
Meletak Jawatan/ Berhenti/ Ditamatkan Perkhidmatan		
17.	Adakah pegawai Perkhidmatan Awam Persekutuan yang meletak jawatan/ berhenti/ ditamatkan perkhidmatan demi kepentingan awam dalam tempoh 1 Januari 2020 hingga 20 Mei 2020 layak diberi Bantuan Khas Aidilfitri Tahun 2020?	Tidak layak. Pegawai Perkhidmatan Awam Persekutuan yang meletak jawatan/ berhenti/ ditamatkan perkhidmatan demi kepentingan awam dalam tempoh 1 Januari 2020 hingga 20 Mei 2020 tidak layak diberi Bantuan Khas Aidilfitri Tahun 2020 kerana pegawai tidak lagi berada dalam perkhidmatan.

B. PESARA KERAJAAN

BIL.	SOALAN	KELAYAKAN
Pesara		
18.	Siapakah pesara/penerima pencen yang layak dibayar Bantuan Khas Aidilfitri Tahun 2020?	<p>Pesara Kerajaan yang telah menerima pencen dan penerima pencen terbitan di bawah undang-undang pencen/ Peraturan-Peraturan Angkatan Tetap (Pencen, Ganjaran dan Faedah-Faedah Lain) 1982 pada atau sebelum 20 Mei 2020 bagi semua gred di dalam:</p> <ul style="list-style-type: none"> i) Perkhidmatan Awam Persekutuan (termasuk Polis Diraja Malaysia) dan Negeri; ii) Perkhidmatan Pihak Berkuasa Berkanun (Persekutuan dan Negeri) dan Pihak Berkuasa Tempatan; iii) Perkhidmatan Angkatan Tentera Malaysia; dan iv) Penerima pencen yang layak adalah penerima pencen perkhidmatan, pencen hilang upaya, pencen terbitan dan pencen tanggungan, pencen orang tanggungan, elaun tanggungan, elaun bersara dan elaun bersara terbitan sehingga 20 Mei 2020.
19.	Adakah pesara/penerima pencen yang tidak bermastautin di Malaysia layak menerima Bantuan Khas Aidilfitri Tahun 2020?	Layak. Pesara/penerima pencen yang tidak bermastautin di Malaysia layak menerima Bantuan Khas Aidilfitri Tahun 2020.
20.	Siapakah pesara/ penerima pencen yang tidak layak menerima Bantuan Khas Aidilfitri Tahun 2020?	<p>Pesara/penerima pencen yang tidak layak adalah:</p> <ul style="list-style-type: none"> i) Perkhidmatan sebagai Ahli Parlimen atau Anggota Pentadbiran;

BIL.	SOALAN	KELAYAKAN
		<ul style="list-style-type: none"> ii) Perkhidmatan sebagai Setiausaha Politik; iii) Perkhidmatan sebagai Hakim; iv) Penerima pencen Skim Pencen Balu dan Anak Yatim (Semenanjung, Sabah dan Sarawak); v) Penerima bayaran Ex-Gratia Bencana Kerja di bawah 1PP:WP6.3- Pengurusan Wang Awam; vi) Pegawai yang tarikh persaraannya pada 21 Mei 2020 dan selepasnya; vii) Penerima pencen terbitan di bawah undang-undang pencen/Peraturan-Peraturan Angkatan Tetap (Pencen, Ganjaran dan Faedah-Faedah Lain) 1982 kerana kematian pegawai dalam perkhidmatan pada 21 Mei 2020 dan selepasnya; viii) Pesara yang bersara secara pilihan atau persaraan atas dasar penswastaan atau pengkorporatan yang memenuhi syarat-syarat umur dan/atau tempoh perkhidmatan dalam pertubuhan, mana yang berkenaan bersara pada atau sebelum 20 Mei 2020 tetapi belum layak menerima pencen berdasarkan undang-undang pencen sedia ada; dan ix) Pesara yang memilih skim Kumpulan Wang Simpanan Pekerja (KWSP)
21.	Adakah pegawai yang bersara atau meninggal dunia sebelum 20 Mei 2020 layak diberi Bantuan Khas Aidilfitri Tahun 2020?	Layak. Pegawai yang bersara atau meninggal dunia sebelum 20 Mei 2020 layak diberi Bantuan Khas Aidilfitri Tahun 2020 sebanyak RM250.00.

BIL.	SOALAN	KELAYAKAN
22.	Adakah pegawai yang bersara pada 20 Mei 2020 layak diberi Bantuan Khas Aidilfitri Tahun 2020?	<p>Layak. Pegawai yang bersara pada 20 Mei 2020 layak diberi Bantuan Khas Aidilfitri Tahun 2020 sebanyak RM250.00.</p> <p>Bagi pegawai Perkhidmatan Awam Persekutuan, pembayaran kepada mana-mana penerima pencen terbitan yang layak di bawah undang-undang pencen sebanyak RM250.00 akan dibuat oleh jabatan terakhir pegawai berkhidmat.</p> <p>Manakala bagi pegawai Perkhidmatan Angkatan Tentera Malaysia, pembayaran kepada mana-mana penerima pencen terbitan yang layak di bawah Peraturan-Peraturan Angkatan Tetap (Pencen, Ganjaran dan Faedah-Faedah Lain) 1982 sebanyak RM250.00 akan dibuat oleh Jabatan Urusan Gaji Angkatan Tentera (UGAT).</p>
23.	Adakah pegawai yang meninggal pada 20 Mei 2020 layak diberi Bantuan Khas Aidilfitri Tahun 2020?	<p>Layak. Pegawai yang meninggal pada 20 Mei 2020 layak diberi Bantuan Khas Aidilfitri Tahun 2020 sebanyak RM500.00.</p> <p>Bagi pegawai Perkhidmatan Awam Persekutuan, pembayaran kepada mana-mana penerima pencen terbitan yang layak di bawah undang-undang pencen sebanyak RM500.00 akan dibuat oleh jabatan terakhir pegawai berkhidmat.</p> <p>Manakala bagi pegawai Perkhidmatan Angkatan Tentera Malaysia, pembayaran kepada mana-mana penerima pencen terbitan yang layak di bawah Peraturan-Peraturan Angkatan Tetap (Pencen, Ganjaran dan Faedah-Faedah Lain) 1982 sebanyak RM500.00 akan dibuat oleh Jabatan Urusan Gaji Angkatan Tentera (UGAT).</p>

BIL.	SOALAN	KELAYAKAN
24.	Adakah pesara yang dilantik semula secara <i>Contract of Service</i> dan masih berkhidmat pada 20 Mei 2020 layak dibayar Bantuan Khas Aidilfitri Tahun 2020?	Layak. Pesara yang dilantik semula secara <i>Contract of Service</i> dan masih berkhidmat pada 20 Mei 2020 layak dibayar Bantuan Khas Aidilfitri Tahun 2020 sebanyak RM500.00. Pembayaran sebanyak RM250.00 akan dibuat oleh Jabatan Perkhidmatan Awam (JPA)/Jabatan Hal Ehwal Veteran (JHEV) dan bakinya RM250.00 akan dibayar oleh jabatan di mana pegawai sedang berkhidmat.
25.	Sekiranya pesara mempunyai rekod di JPA dan JHEV, Jabatan manakah yang akan membuat bayaran Bantuan Khas Aidilfitri Tahun 2020 kepada pesara tersebut?	Bantuan Khas Aidilfitri Tahun 2020 hanya dibayar sekali sahaja oleh JPA sekiranya pesara mempunyai rekod di JPA dan JHEV.
26.	Bagaimanakah kaedah pecahan bayaran kepada penerima pencen yang melebihi seorang?	Penerima pencen terbitan dan penerima pencen tanggungan di bawah undang-undang pencen akan dibayar berdasarkan pembahagian sama rata mengikut akaun penerima pencen.
27.	Adakah penerima pencen terbitan layak menerima Bantuan Khas Aidilfitri Tahun 2020?	Layak. Penerima pencen terbitan di bawah undang-undang pencen / Peraturan-Peraturan Angkatan Tetap (Pencen, Ganjaran dan Faedah-Faedah Lain) 1982 sehingga 20 Mei 2020 layak menerima Bantuan Khas Aidilfitri Tahun 2020.
28.	Adakah pesara skim Kumpulan Wang Simpanan Pekerja yang bersara pada atau sebelum 20 Mei 2020 layak diberi Bantuan Khas Aidilfitri Tahun 2020?	Tidak layak. Hanya pesara Kerajaan yang memilih skim pencen dan telah menerima pencen serta penerima pencen terbitan di bawah undang-undang pencen pada atau sebelum 20 Mei 2020 layak Bantuan Khas Aidilfitri Tahun 2020.